



HUMILDAT


DEN E






KRISOL

Lès 10 pa Sèptèmber 3, 2022

Humildat ta wòrdu define komo “ soportá daño ku pasenshi i sin renkor.” E no ta un atributo humano inherente.

Nos naturalesa pekaminoso no por yuda sino tumando vengansa ora ku un hende ofendé nos. Dios ta suficiente poderoso pa transformá nos kurason i pa hasi nos hendenan humilde. Ku Su yudansa nos por wanta kualkier ofensa i stima esnan kende ta ofendé nos.



-  Humildat den e sufrimentu
-  Humildat di Interseshon(mediashon)
-  Humildat dilanti di nos enemigunan
-  Humildat dilanti di inhustisia
-  E fuente di humildat

HUMILDAT DEN E SUFRIMENTU

" Asina Ezekiel ta un señal pa boso; di akuerdo ku tur loke ku el a hasi boso lo hasi; i ora esaki sosodé, boso lo sa ku Ami ta Señor Dios." (Ezekiel 24:24)


Jose tabata e yiu hòmer favorito di su tata. Sinembargo, su bida diripiente a wòrdu birá aribabou (Gen. 37:28).

Jose a kologá na Dios den e pruebanan severo. El a a traha humildemente pa su maestro(doño) i a soportá humildemente e akusashon falsu. Eventualmente, Jose su pidanan(partinan) kibrá a bira e salvashon di Israel (Gen. 50:20-21).



Ezekiel su kurason tambe tabata kibrá na pidanan despues ku su esposa a fayesé. Dios a pidié hasi algu straño den e sirkumstansianan ei: No yora (Eze. 24:16-18). Ezekiel su pidanan kibrá a bira un anunsio i un ehèmpel pa e pueblo di Israel (Eze. 24:21-24).

Dios por huza nos pidanan kibrá pa yuda otro hende si humildemente nos aseptá nos sufrimentunan.



HUMILDAT DI INTERSESHON

“E ora ei Moisés a roga(supliká) ku Señor su Dios, i a bisa: ‘ Señor, pakiko Bo rabia ta kima kayente kontra di Bo pueblo ku Bo a saka for di e tera di Egipto ku gran poder i ku un man poderoso?’” (Eksodo 32:11)



Moisés ta konosí komo e hòmbler di mas humilde ku tabatin (Num. 12:3), ounke é mester a soportá kehonan i oposishonnan konstante.

Dios a ofresé Moisés pa destruí e pueblo di Israel i pa kuminsá un nashon nobo kuné. Sinembargo, Moisés a interседé na nòmber di e pueblo ku ta keha.

Tambe el a interседé na nòmber di su propio ruman muhé despues di a wòrdu traishoná dor di djé (Num. 12:13); tambe el a interседé ora su famianan a purba pa usurpá e saserdosio (Num. 16:20-22).



Humildat ta involví ofresiendo gracia na esnan kende no ta meresé esaki.



HUMILDAT DILANTI DI NOS ENEMIGUNAN

“ stima boso enemigunan, bendishoná esnan ku ta maldishoná boso, hasi bon na esnan ku ta odia boso, i hasi orashon pa esnan ku malisiosamente ta huza boso i ta pèrsigui boso, ” (Mateo 5:44)

Pakiko nos mester stima esnan ku a heridá nos?

Hesus a kompartí un motibu básiko: asina ku nos ta imitá nos Tata. Dios ta bon ku Su enemigunan (Mat. 5:45). E ta stima nan pasombra E ta mira nan komo kandidatonan pa e Reino di Shelu, perlanan presioso di Su tesoro.



Ora ku nos ta mira nos enemigunan asina'ki, tur kos ta kambia. Nos ta mira nan komo futuro rumannan hòmber i rumannan muhé ku kende nos por kompartí bida etèrno. Di e manera aki semper nos lo buska nan bon.

Nos ta wòrdu perfekshoná segun e amor di Dios ta krese den nos kurason (Mat. 5:48). E “perfekshon” aki ta wòrdu mustrá dor di stima otronan i trata nan humildemente.



HUMILDAT DILANTI DI INHUSTISIA



"Kende, ora ku El a wòrdu zundrá, no a zundra bèk; ora ku El a sufri, E no a menasá, pero a konfia Su mes na Esun ku ta huzga ku hustisia;" (1 Pedro 2:23)

Indudablemente, Hesus ta e ehèmpel di mas grandi di humildat (Mat. 11:29). Pedro a splika kon El a komportá asina ku nos por siña for di Su ehèmpel (1Pedro 2:23).

Hesus a keda ketu dilanti di e ofensanan. E no a rebeldiá kontra di atakenan òf sufrimentu pero a duna Su mes na Dios. E tabata sa ku Dios semper ta na kontrol. Dios lo hasi hustisia na e tempu korekto.

Laga nos kòrda e humildat di Hesus ora ku nos ta enfrentá situashonnan inhustu i rabia ta krese den nos. Su silencio tabata un testimonio poderoso.

Kòrda Pablo su konseho den Romanonan 12:17-21. No buska vengansa, pasombra vengansa di Dios. Alkontrario, hasi bon na esnan ku ta hasi malu.



E FUENTE DI HUMILDAT

“Den Dios mi salbashon i mi gloria ta; e baranka di mi fortaleza, i mi refugio ta den Dios.” (Salmo 62:7)

Humildat usualmente ta wòrdù mirá komo un debelidat. Hendenan humilde ta wòrdù pensá di ta tímido, sin defenza, kobarde. Nada por ta mas leu for di e bèrdat.

E humildat di Kristiannan ta basá riba e Baranka. Nan ta keda firme den e tempestatnan di e bida aki. Nan no ta desea daño riba nan enemigunan pero ta interседé na nan nòmber.

Nan ta stima nan famianan i amigunan asta si nan traishoná nan òf heridá nan. Nan ta pone e sirkumstansianan malu riba Dios Su mannan.

Nan sa ku Dios semper ta den kontrol. E ta dirigí(guia) Su trabou pa e gloria di Su nòmber.



“Si nos ta poseé e humildat di nos Maestro, nos lo sali riba di e despresionan, e repulsonan, e fastidionan, na kual diariamente nos ta wòrdu eksponé, i nan lo stòp di tira un tristesa ofer di e spiritu. E evidensia di mas haltu di noblesa den un Kristian ta kontrol propio. Esun ku bou di abuso òf krueldat ta faya di mantene un spiritu kalmo i di konfiansa ta hòrta Dios di Su derecho pa revelá den djé Su propio perfekshon di karakter. Humildat di kurason ta e forsa ku ta duna viktoria na e sigidornan di Kristu.”

E. G. W. (The Desire of Ages, cp. 31, p. 301)